

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՊԱՏՄՈՒԹՅԱՆ ՖԱԿՈՒԼՏԵՏ

ЕРЕВАНСКИЙ ГОСУДАРСТВЕННЫЙ УНИВЕРСИТЕТ
ИСТОРИЧЕСКИЙ ФАКУЛЬТЕТ

YEREVAN STATE UNIVERSITY
FACULTY OF HISTORY

ՊԱՏՄՈՒԹՅՈՒՆ ԵՎ ՄՇԱԿՈՒՅԹ
ՀԱՅԱԳԻՏԱԿԱՆ ՀԱՆԴԵՍ

ИСТОРИЯ И КУЛЬТУРА
АРМЕНОВЕДЧЕСКИЙ ЖУРНАЛ

HISTORY AND CULTURE
JOURNAL OF ARMENIAN STUDIES

№ 2

ԵՐԵՎԱՆ - ԵՐԵՎԱՆ - YEREVAN
ԵՊՀ ՀՐԱՏԱՐԱԿԶՈՒԹՅՈՒՆ, ИЗДАТЕЛЬСТВО ЕГУ, YSU PRESS
2021

*Հրատարակվում է Երևանի պետական համալսարանի
պատմության ֆակուլտետի գիտական խորհրդի որոշմամբ*

Գլխավոր խմբագիր՝ պ.գ.դ., պրոֆ. Էդիկ Մինասյան

Խմբագրական խորհուրդ՝

Աշոտ Մելքոնյան (ՀՀ ԳԱԱ ակադեմիկոս, պ.գ.դ., պրոֆ.), Արամ Սիմոնյան (ՀՀ ԳԱԱ թղթ. անդամ, պ.գ.դ., պրոֆ.), Ալբերտ Ստեփանյան (պ.գ.դ., պրոֆ.), Հայկ Ավետիսյան (պ.գ.դ., պրոֆ.), Լևոն Չուգասյան (արվ.գ.դ., պրոֆ.), Համլետ Պետրոսյան (պ.գ.դ., պրոֆ.), Արման Եղիազարյան (պ.գ.դ., պրոֆ.), Հայկազ Հովհաննիսյան (պ.գ.դ., պրոֆ.), Աշոտ Ներսիսյան (պ.գ.դ., պրոֆ.), Աշոտ Հայրունի (պ.գ.դ., պրոֆ.), Վալերի Թունյան (պ.գ.դ., պրոֆ.), Վանիկ Վիրաբյան (պ.գ.դ., պրոֆ.), Ռաֆիկ Նահապետյան (պ.գ.դ., պրոֆ.), Հակոբ Հարությունյան (պ.գ.դ., պրոֆ.), Հովիկ Գրիգորյան (պ.գ.թ., դոց.), Մխիթար Գաբրիելյան (պ.գ.թ., դոց.), Էդգար Հովհաննիսյան (պ.գ.թ., դոց.):

Главный редактор - докт. ист. наук, проф. Эдик Минасян

Редакционная коллегия:

Ашот Мелконян (академик НАН РА, д.и.н., проф.), Арам Симонян (чл.-кор. НАН РА, д.и.н., проф.), Альберт Степанян (д.и.н., проф.), Айк Аветисян (д.и.н., проф.), Левон Чугасзян (д. иск. н., проф.), Гамлет Петросян (д.и.н., проф.), Арман Егиазарян (д.и.н., проф.), Айказ Оганесян (д.и.н., проф.), Ашот Нерсисян (д.и.н., проф.), Ашот Айруни (д.и.н., проф.), Валерий Тунян (д.и.н., проф.), Ваник Вирабян (д.и.н., проф.), Рафик Напетян (д.и.н., проф.), Акоб Арутюнян (д.и.н., проф.), Овик Григорян (к.и.н., доц.), Мхитар Габриелян (к.и.н., доц.), Эдгар Оганнисян (к.и.н., доц.).

Editor-in-Chief: Doctor of Sciences, Prof. Edik Minasyan

Editorial Board:

Ashot Melkonyan (Academician of NAS RA, Doctor of Sciences, Prof.), Aram Simonyan (Corresp. Member of NAS RA, Doctor of Sciences, Prof.), Albert Stepanyan (Doctor of Sciences, Prof.), Hayk Avetisyan (Doctor of Sciences, Prof.), Levon Chugaszyan (Doctor of Arts, Prof.), Hamlet Petrosyan (Doctor of Sciences, Prof.), Arman Yeghiazaryan (Doctor of Sciences, Prof.), Haikaz Hovhannisyanyan (Doctor of Sciences, Prof.), Ashot Nersisyan (Doctor of Sciences, Prof.), Asot Hayruni (Doctor of Sciences, Prof.), Valeri Tunyan (Doctor of Sciences, Prof.), Vanik Virabyan (Doctor of Sciences, Prof.), Rafik Nahapetyan (Doctor of Sciences, Prof.), Hakob Harutunyan (Doctor of Sciences, Prof.), Hovik Grigoryan (PhD in History, Associate Prof.), Mkhitar Gabrielyan (PhD in History, Associate Prof.), Edgar Hovhannisyanyan (PhD in History, Associate Prof.).

ISSN 1829-2771

ԲՈՎԱՆԴԱԿՈՒԹՅՈՒՆ СОДЕРЖАНИЕ / CONTENT

ՊԱՏՄՈՒԹՅՈՒՆ / ИСТОРИЯ / HISTORY

Էդիկ Մինասյան - ՀԱՅ-ԹՈՒՐԷԱԿԱՆ ՀԱՐԱԲԵՐՈՒԹՅՈՒՆՆԵՐԸ ՀՀ ԱՆԿԱԽՈՒԹՅԱՆ ՏԱՐԻՆԵՐԻՆ	6
Эдик Минасян - АРМЯНО-ТУРЕЦКИЕ ОТНОШЕНИЯ В ГОДЫ НЕЗАВИСИМОСТИ РА ...	26
Edik Minasyan - ARMENIAN-TURKISH RELATIONS DURING THE YEARS OF INDEPENDENCE OF THE RA	28
Էդուարդ Չոհրաբյան - ՀԱՍԱՐԱԿՈՒԹՅԱՆ ԳԱՂԱՓՈՐԱԿԱՆ ՓՈԽԱԿԵՐՊՄԱՆ ԳՈՐԾԸՆԹԱՑՆԵՐԸ ԽՈՐՀՐԴԱՅԻՆ ՀԱՅԱՍՏԱՆՈՒՄ 1930-1980-ԱԿԱՆ ԹԹ.	31
Эдуард Зограбян - ПРОЦЕСС ИДЕОЛОГИЧЕСКОЙ ТРАНСФОРМАЦИИ АРМЯНСКОГО ОБЩЕСТВА В СОВЕТСКОЙ АРМЕНИИ С 1930 ПО 1980-ЫЕ ГОДЫ	39
Eduard Zohrabyan - THE PROCESS OF IDEOLOGICAL TRANSFORMATION OF SOCIETY IN Soviet Armenia in 1930-1980	39
Ֆելիքս Մովսիսյան - ՀԱՅ ՀԱՍԱՐԱԿԱԿԱՆ ՄԻՏՔԸ 1840-ԱԿԱՆ ԹՎԱԿԱՆՆԵՐԻ ԻՈՒԱՆԴԱԿԱՆ ԱԶԳԱՅԻՆ ՇԱՐՃՄԱՆ ՄԱՍԻՆ	40
Феликс Мовсисян - АРМЯНСКАЯ ОБЩЕСТВЕННАЯ МЫСЛЬ ОБ ИРЛАНДСКОМ НАЦИОНАЛЬНОМ ДВИЖЕНИИ 1840-Х ГОДОВ	57
Feliks Movsisyan - ARMENIAN PUBLIC OPINION ON THE IRISH NATIONAL MOVEMENT OF THE 1840s	57
Валерий Тунян - ПОБОРНИКИ ОТРИЦАНИЯ ГЕНОЦИДА АРМЯН	59
Վալերի Թունյան - ՀԱՅՈՑ ՑԵՂԱՍՊԱՆՈՒԹՅԱՆ ՄԵՐԺՄԱՆ ԶԱՏԱԳՈՎՆԵՐԸ	64
Valery Tunyan - DEFENDERS OF THE DENIAL OF THE ARMENIAN GENOCIDE	64
Վանիկ Վիրաբյան - ԱԶԳԱՄԻՋՅԱՆ ԶԱՐԳԱՑՈՒՄՆԵՐԸ ԵՎ ԱՆՏԱՆՏԻ ՊԵՏՈՒԹՅՈՒՆՆԵՐԸ ԱՆԴՐԿՈՎՎԱՍՈՒՄ 1917 Թ. ՀՐԿՏԵՄԲԵՐՅԱՆ ՀԵՂԱՇՐՋՈՒՄԻՑ ՀԵՏՈ	65
Ваник Виравян - МЕЖЭТНИЧЕСКИЕ СОБЫТИЯ И АНТАНТОВСКИЕ ГОСУДАРСТВА В ЗАКАВКАЗЬЕ ПОСЛЕ ОКТЯБРЬСКОЙ РЕВОЛЮЦИИ 1917 ГОДА	82
Vanik Virabyan - INTERETHNIC DEVELOPMENTS AND THE ENTENTE STATES IN TRANSCAUCASIA AFTER THE OCTOBER 1917 REVOLUTION	82
Սարգիս Գրիգորյան - ԱԴՐԲԵՋԱՆՑԻ ԻՍԼԱՄԱԿԱՆՆԵՐԻ ԱԿՏԻՎՈՒԹՅՈՒՆԸ ԿՈՎԿԱՍՈՒՄ ԵՎ ՄԵՐՉԱՎՈՐ ԱՐԵՎԵԼՔՈՒՄ	84
Саргис Григорян - АКТИВНОСТЬ АЗЕРБАЙДЖАНСКИХ ИСЛАМИСТОВ НА КАВКАЗЕ И БЛИЖНЕМ ВОСТОКЕ	91
Sargis Grigoryan - ACTIVITY OF AZERBAIJANI ISLAMISTS IN THE CAUCASUS AND IN THE MIDDLE EAST	92
Նարա Սարգսյան - ՀԱՄԻԴՅԱՆ ԶԱՐԴԵՐԻ ՀՈԳԵՔԱՆԱԿԱՆ ԱԶԳԵՑՈՒԹՅՈՒՆՆԵՐԻ ԱՐՏԱՑՈՒՈՒՄԸ ԱՐՓԻԱՐ ԱՐՓԻԱՐՅԱՆԻ «ԿԱՐՄԻՐ ԺԱՄՈՒՅ» ՎԻՊԱԿՈՒՄ	93
Нара Саргсян - ОТРАЖЕНИЕ ПСИХОЛОГИЧЕСКОГО ВОЗДЕЙСТВИЯ ХАМИДИЙСКОЙ РЕЗНИ В ПРОИЗВЕДЕНИИ АРПИАР АРПИАРЯНА "БАГРОВОЕ ПРИНОШЕНИЕ"	101
Nara Sargsyan - THE REFLECTION OF PSYCHOLOGICAL INFLUENCE OF HAMIDIAN MASSACRES IN ARPIAR ARPIARYAN'S NOVELETTE "THE CRIMSON OFFERING"	101
Էդգար Չախոյան - Վրաստան-ԱՄՆ դիվանագիտական հարաբերությունները Միխեիլ Սաակաշվիլիի նախագահության առաջին շրջանում (2004-2007 թթ.)	102
Эдгар Чахойан - ДИПЛОМАТИЧЕСКИЕ ОТНОШЕНИЯ ГРУЗИИ И США ПРИ ПЕРВОМ ПРЕЗИДЕНТСКОМ СРОКЕ МИХАИЛА СААКАШВИЛИ (2004-2007 гг.)	112
Edgar Chakhoyan - DIPLOMATIC RELATIONS BETWEEN GEORGIA AND THE USA DURING THE FIRST PERIOD OF THE PRESIDENCY OF MIKHAIL SAAKASHVILI (2004-2007)	113
Արման Տաֆարյան - Օ НЕКОТОРЫХ ОСОБЕННОСТЯХ КОНВЕРГЕНТНОЙ И МУЛЬТИМЕДИЙНОЙ ЖУРНАЛИСТИКИ В РЕСПУБЛИКЕ АРМЕНИЯ	114
Արման Սաֆարյան - ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՆՎԵՐԳԵՆՏ և ՄՈՒԼՏԻՄԵԴԻԱՅԻՆ ԴԻԱՅԻՆ ԼՐԱԳՐՈՒԹՅԱՆ ՈՐՈՇ ԱՌԱՆՁՆԱԿԱՏԿՈՒԹՅՈՒՆՆԵՐԻ ՄԱՍԻՆ	118

Safaryan Arman – ON SOME FEATURES OF CONVERGENT AND MULTIMEDIA JOURNALISM IN THE REPUBLIC OF ARMENIA	118
Անդրանիկ Եսայան – ԻՐԱՎԻՃԱԿԸ ՀՅՈՒՄԻՍԱՐԵՎԵԼՅԱՆ ՀԱՅԱՍՏԱՆՈՒՄ XVIII Դարի ԱՌԱՋԻՆ ՔԱՌՈՐԴԻՆ	119
Андраник Есаян – СИТУАЦИЯ В СЕВЕРО-ВОСТОЧНОЙ АРМЕНИИ В ПЕРВОЙ ЧЕТВЕРТИ 18 ВЕКА	125
Andranik Yesayan – THE SITUATION IN NORTHEASTERN ARMENIA IN THE FIRST QUARTER OF THE 18-TH CENTURY	126
Տարոն Սարոյան - ԹՈՒՐԵԻԱՅԻ ԵՎ ՌՈՒՍԱՍՏԱՆԻ ՇԱՀԵՐՆ ՈՒ ՀԱԿԱՍՈՒԹՅՈՒՆՆԵՐԸ ՀԱՐԱՎԱՅԻՆ ԿՈՎՎԱՍԻ ԱՇԽԱՐՀԱՔԱՂԱՔԱԿԱՆ ՆՈՐ ԻՐՈՂՈՒԹՅՈՒՆՆԵՐՈՒՄ (2010-2016) ...	127
Тарон Сакоян - ИНТЕРЕСЫ И ПРОТИВОРЕЧИЯ ТУРЦИИ И РОССИИ НА ЮЖНОМ КАВКАЗЕ В НОВЫХ ГЕОПОЛИТИЧЕСКИХ РЕАЛИЯХ (2010-2016)	136
Taron Sakoyan - INTERESTS AND CONTRADICTIONS BETWEEN TURKEY AND RUSSIA IN THE SOUTH CAUCASUS IN NEW GEOPOLITICAL REALITIES (2010-2016)	136
Majid Karimi - THE ETIMOLOGY AND ORIGINS OF THE NAME NAKHICHEVAN FROM THE HISTORICAL SOURCES	137
Մաջիդ Քարիմի - ՆԱԽԻՋԵՎԱՆ ԱՆՎԱՆ ՍՏՈՒԳԱՔԱՆՈՒԹՅՈՒՆԸ և ԾԱԳՈՒՄԸ ԸՍՏ ՊԱՏՄԱԿԱՆ ԱՂԲՅՈՒՐՆԵՐԻ	147
Маджид Карими - ЭТИМОЛОГИЯ И ПРОИСХОЖДЕНИЕ НАЗВАНИЯ НАХИДЖЕВАН ПО ИСТОРИЧЕСКИМ ИСТОЧНИКАМ	147
Օֆելյա Դարբինյան - ԼԻՔԱՆԱՆԱՀԱՅԵՐԻ ՀԱՅՐԵՆԱԴԱՐՉՈՒԹՅԱՆ ԱՌԱՆՋՆԱՀԱՏԿՈՒԹՅՈՒՆՆԵՐԸ, ԱՐԴՅՈՒՆՔՆԵՐՆ ՈՒ ՀԵՏԵՎԱՆՔՆԵՐԸ	148
Офелия Дарбинян - ОСОБЕННОСТИ РЕПАРТАЦИИ ЛИВИНСКИХ АРМЯН, РЕЗУЛЬТАТЫ И ПОСЛЕДСТВИЯ (1946-1949 ГГ.)	158
Ofelya Darbinyan - PECULIARITIES, RESULTS AND CONSEQUENCES OF THE REPATRIATION OF THE LEBANESE-ARMENIANS (1946-1949)	158
Արևշատ Մինասյան - ՈՒՐՈՒԳՎԱՅԻ ՀԱՅԿԱԿԱՆ ՀԱՄԱՅՆՔԸ	159
Аревшат Минасян - АРМЯНСКАЯ ОБЩИНА УРУГВАЯ	164
Arevshat Minasyan - THE ARMENIAN COMMUNITY OF URUGUAY	164
Միքայել Միքայելյան - ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՄԱՏԹԵՈՍ II ԻԶՄԻՐԼՅԱՆԻ ՀԱՆԴԻՊՈՒՄԸ ՌՈՒՍԱՑ ԿԱՅՍՐ ՆԻԿՈԼԱՅ II-Ի ՀԵՏ	166
Микаел Микаелян - ВСТРЕЧА КАТОЛИКОСА ВСЕХ АРМЯН МАТТЕОСА II ИЗМИРЛЯНА С РОССИЙСКИМ ИМПЕРАТОРОМ НИКОЛАЕМ II	172
Mikayel Mikayelyan - MEETING OF CATHOLICOS OF ALL ARMENIANS MATTEOS II IZMIRLYAN WITH RUSSIAN EMPEROR NICHOLAS II	172

ՀՆԱԳԻՏՈՒԹՅՈՒՆ ԵՎ ԱԶԳԱԳՐՈՒԹՅՈՒՆ / АРХЕОЛОГИЯ И ЭТНОГРАФИЯ /
ARCHAEOLOGY AND ETHNOGRAPHY

Սամվել Մկրտչյան - ԷԹՆԻԿ ԻՆՔՆՈՒԹՅԱՆ ԵՎ ՊԱՏՄԱԿԱՆ ՀԻՇՈՂՈՒԹՅԱՆ ԴՐՍԵՎՈՐՈՒՄՆԵՐԸ ՀԱՅՈՑ ՏՈՆԱԾԻՍԱԿԱՆ ՄՇԱԿՈՒՅԹՈՒՄ	173
Самвел Мкртчян – ПРОЯВЛЕНИЕ ЭТНИЧЕСКОЙ ИДЕНТИЧНОСТИ И ИСТОРИЧЕСКОЙ ПАМЯТИ В АРМЯНСКОЙ ПРАЗДНИЧНООБРЯДНОЙ КУЛЬТУРЕ	178
Samvel Mkrtychyan - MANIFESTATIONS OF ETHNIC IDENTITY AND HISTORICAL MEMORY IN THE ARMENIAN FESTIVAL AND RITUAL CULTURE	178

ՌԻՍՈՒՄՆԱՍԵԹՈՂԱԿԱՆ / УЧЕБНО-МЕТОДИЧЕСКИЙ / EDUCATIONAL-METHODOLOGICAL

Մերի Հովհաննիսյան - ՆԱԽԱԳԾԱՅԻՆ ՌԻՍՈՒՅՄԱՆ ԱՌԱՆՋՆԱՀԱՏԿՈՒԹՅՈՒՆՆԵՐԸ	180
Мери Оганнисян - <i>ОСОБЕННОСТИ ПРОЕКТНОГО ОБУЧЕНИЯ</i>	186
Meri Hovhannisyanyan - PECULIARITIES OF PROJECT-BASED LEARNING	186

ԳԻՏԱԿԱՆ ԿՅԱՆՔ

ԳԻՏԱԺՈՂՈՎ ԵՎ ՆԿԻՐՎԱԾ ԱՆՎԱՆԻ ՊԱՏՄԱԲԱՆ ԱՐՏԱԿ ՄՈՎՍԻՍՅԱՆԻ ՀԻՇԱՏԱԿԻՆ .. 188
ՏԵՂԻ Է ՈՒՆԵՑԵԼ ՊԱՏՄԱԲԱՆԻ ՕՐԿԱՆ ՆԿԻՐՎԱԾ ՄԻՋԱԶԳԱՅԻՆ ՀՆԳՕՐՅԱ
ԳԻՏԱԺՈՂՈՎԸ 190
ՊԱՏՄՈՒԹՅԱՆ ՖԱԿՈՒՆԵՏՈՒՄ ՏԵՂԻ Է ՈՒՆԵՑԵԼ ՀԱՅՐԱՊԵՏ ՄԱՐԳԱՐՅԱՆԻ ՀԻՇԱՏԱԿԻՆ
ՆԿԻՐՎԱԾ ՄԻՋԱԶԳԱՅԻՆ ԳԻՏԱԺՈՂՈՎ 192

ՄԵՐ ԵՐԱՆՏԱԿՈՐՆԵՐԸ

НА ПЕРЕКРЕСТКЕ ИСТОРИЧЕСКИХ И ЕСТЕСТВЕННЫХ НАУК 194

ՏԵՂԵԿՈՒԹՅՈՒՆՆԵՐ ՀԵՂԻՆԱԿՆԵՐԻ ՄԱՍԻՆ 196

INFORMATION ABOUT THE AUTHORS 197

«ՊԱՏՄՈՒԹՅՈՒՆ ԵՎ ՄՇԱԿՈՒՅԹ» ՀԱՅԱԳԻՏԱԿԱՆ ՀԱՆՂԵՍԻ
ՀԱՄԱՑԱՆՑԱՅԻՆ ՀԱՐԹԱԿՈՒՄ ԳՐԱՆՑՄԱՆ ՈՒՂԵՑՈՒՅՑ 198

Էդգար Չախոյան

ՎՐԱՍՏԱՆ-ԱՄՆ ԴԻՎԱՆԱԳԻՏԱԿԱՆ ՀԱՐԱԲԵՐՈՒԹՅՈՒՆՆԵՐԸ ՄԻՆԵԻԼ
ՍԱԱԿԱՇՎԻԻԻ ՆԱԽԱԳԱՀՈՒԹՅԱՆ ԱՌԱՋԻՆ ՇՐՋԱՆՈՒՄ (2004-2007 ԹԹ.)

Հիմնաբառեր. Վրաստան, ԱՄՆ, ժողովրդավարություն, նախագահի արտահերթ ընտրություններ, ՆԱՏՕ, Արևմուտք, ՌԴ, դիվանագիտական հարաբերություններ, Հարավային Կովկաս, տարածաշրջանային անվտանգություն, պետքարտուղար, արտահերթ ընտրություններ, «Լուգարի» հետազոտական կենտրոն:

Հոդվածը նվիրված է Վրաստանում Միխեիլ Սաակաշվիլիի նախագահության առաջին շրջանում՝ 2004-2007 թթ., Վրաստան-ԱՄՆ դիվանագիտական հարաբերությունների ուսումնասիրությանը: Մանրամասնորեն լուսաբանված են կողմերի միջև դիվանագիտական հարաբերությունների ձևավորման, խորացման և ամրապնդման պատմությունը, ներքին ու արտաքին քաղաքական զարգացումները, ինչպես նաև երկու երկրների բարձրաստիճան պաշտոնյաների հաճախակի հանդիպումների արդյունքում ձեռքբերված դիվանագիտական հաջողությունները: Վերհանվել և ուսումնասիրվել են ԱՄՆ նախագահ Ջորջ Բուշ Կրտսեր վարչակազմի արտաքին քաղաքական մոտեցումները Վրաստանի նկատմամբ, մասնավորապես Վարդերի հեղափոխությունից մինչև 2007 թ. վերջերը, ինչպես նաև Վրաստանում կատարվող փոփոխությունների հետևանքով ՀՀ-ի համար առաջացած խնդիրները: Ամբողջապես քննության առարկա են դարձել նախագահ Բուշի (2005 թ. մայիսին)՝ Թբիլիսի կատարած այցի առանձնահատկությունները, տարածաշրջանում սպասվող փոփոխությունները և Վրաստանը ժողովրդավարություն «արտահանող» երկրի վերածման միտումները: Վերլուծվել են կողմերի միջև ստորագրված երկկողմ փաստաթղթերի դերն ու նշանակությունը: Դիտարկվել են տարաբնույթ փաստեր, որոնք նպաստել են Վրաստանի և Միացյալ Նահանգների միջև երկկողմ ու բազմակողմ դիվանագիտական հարաբերությունների զարգացմանը: Առանձնակի ուշադրություն է դարձված Վրաստանի և Ռուսաստանի Դաշնության միջև դիվանագիտական հարաբերությունների վատթարացման իրական պատճառների բացահայտմանը: Հոդվածում կարևոր տեղ է հատկացված նաև Վրաստանում արտահերթ ընտրությունների արդար ու թափանցիկ կազմակերպման համար ԱՄՆ ֆինանսական և գործուն աջակցության նպատակների ուսումնասիրությանը:

Յուրաքանչյուր ինքնիշխան պետության զարգացման հիմնական գրավականներից է երկրի ձկուն և բազմակողմ արտաքին քաղաքականության ստեղծումը, որի միջոցով հնարավոր կլինի ձեռք բերել ավելի շատ բարեկամ, գործընկեր ու դաշնակից երկրներ:

Վրաստանում անկախության հռչակումից անմիջապես հետո սկսվեցին զանգվածային անկարգություններ, տարբեր ուժերի հակադրություն և քաղաքացիական պատերազմ: Անկախ նրանից, որ երկիրը գտնվում էր սոցիալ-տնտեսական ու ներքաղաքական ձգնաժամի մեջ, կարողացավ դիվանագիտական հարաբերություններ հաստատել մի շարք երկրների, այդ թվում՝ նաև ԱՄՆ-ի հետ:

ԽՍՀՄ փլուզումից հետո՝ 1991 թ. դեկտեմբերի 25-ին, ԱՄՆ-ն ճանաչեց Վրաստանի անկախությունը, իսկ 1992 թ. մարտի 24-ին նախագահ Ջորջ Հերբերտ Ուոլկեր Բուշի որոշմամբ կողմերի միջև հաստատվեցին դիվանագիտական հարաբերություններ¹: Վրաստանը, միջազգայնորեն դե յուրե անկախ պետություն դառնալով, կարողացավ ձևավորել ինքնուրույն ներքին ու արտաքին քաղաքականություն, միևնույն ժամանակ հնարավորություն ստացավ դեսպանատներ բացելու այն երկրներում, որոնց հետ ցանկանում էր խորացնել երկկողմ և բազմակողմ դիվանագիտական հարաբերությունները:

Առհասարակ Վրաստանի և Միացյալ Նահանգների միջև հարաբերությունները դիտարկելով առանձին հարթության վրա՝ անհրաժեշտ է վերլուծել փոխգործակցության

* Հոդվածը ներկայացվել է 10.12.2021 թ., գրախոսվել՝ 20.12.2021 թ., ընդունվել տպագրության՝ 30.12.2021 թ.:
¹ St' u George Bush, Public Papers of the Presidents of the United States (1992-93), Book I – January 1 to July 31, 1992, Washington, 1993, էջ 502-503, <https://www.govinfo.gov/content/pkg/PPP-1992-book1/pdf/PPP-1992-book1.pdf>, դիտումը՝ 16.12.2020:

աստիճանական զարգացման ընթացքը պատմական հաջորդականության ու շարունակականության համատեքստում:

Նորակախ պետության առաջին նախագահ Ջվիադ Գամսախուրդիայի կարճ իշխանության ընթացքում Կրաստանի արտաքին քաղաքականության մեջ առկա էր երկինաստություն և անորոշություն, սակայն իրավիճակը փոխվեց երկրորդ նախագահ Էդուարդ Շևարդնաձեի նախագահության օրոք¹: Նրա քաղաքական փորձի, անձնական կապերի ու համակրանքների հիման վրա երկիրը դարձավ ավելի պաշտոնական և միջազգային ձևաչափերին համահունչ:

ԽՍՀՄ նախկին արտաքին գործերի նախարար Է. Շևարդնաձեի դերը մեծ էր Կրաստանի և Միացյալ Նահանգների միջև դիվանագիտական հարաբերությունների հաստատման և զարգացման գործում, քանի որ նա սերտ կապեր ուներ ԱՄՆ նախագահ Զ. Բուշ Ավագի և պետքարտուղար Ջեյմս Բեյքերի (James Baker) հետ²: Ընդհանուր առմամբ Միացյալ Նահանգներն ու Արևմուտքը համակրում էին Շևարդնաձեին Եվրոպայում լարվածությունը մեղմելու, Գերմանիան վերամիավորելու և Խորհրդային Միության գործերի դուրսբերման գործում մեծ ներդրում ունենալու համար³: 1992 թ. ապրիլի 23-ին Կրաստանի և ԱՄՆ-ի միջև դիվանագիտական հարաբերությունները ամրապնդվեց Թբիլիսիում ԱՄՆ դեսպանատան բացմամբ⁴:

ԱՄՆ-ի հետ հարաբերություններում Շևարդնաձեի վարչակազմի ձեռքբերումներից էր Բաքու–Թբիլիսի–Ջեյհան խողովակաշարի նախագիծը, որը ամբողջությամբ շրջանցում էր ՌԴ-ն և դառնում այլընտրանք Կրաստանի ու Արևմուտքի երկրների համար⁵: Այս նախագիծը ամրապնդեց իր դիրքերը հաջորդ ընտրություններից առաջ, քանի որ կայունությունը կարևոր պահանջ էր ծրագրի կյանքի կոչման նպատակով: Վաշինգտոնը նույնպես սատարում էր Շևարդնաձեին՝ արտաքին քաղաքական ասպարեզում ամերիկյան շահերին համահունչ գործելու համար, իսկ Կրաստանը, օրինակ, չհապաղեց իր աջակցությունը հայտնել Վաշինգտոնին սեպտեմբերի 11-ի հայտնի փաթեկչության ժամանակ և Իրաք ներխուժումից հետո⁶: Կրաստանի նախագահը հետագայում նույնպես հաճախ էր գրուցում (մշտական կապի մեջ էր) նախկին պետքարտուղար Ջեյմս Բեյքերի, Բուշ Ավագի, Բուշ Կրտսեր և ամերիկյան այլ ազդեցիկ պաշտոնյաների հետ⁷: ԱՄՆ-ում սա նաև որպես աջակցության աղբյուր ծառայեց Շևարդնաձեին:

1992-2003 թթ. Կրաստանը դարձավ մեկ շնչի հաշվով ամենամեծ ամերիկյան ժողովրդավարության և տնտեսական զարգացման օժանդակություն ստացող երկրներից մեկը. Շևարդնաձեի պաշտոնավարման տասնմեկ տարիների ընթացքում Կրաստանը ԱՄՆ-ից ստացել է շուրջ մեկ միլիարդ դոլարի աջակցություն⁸:

Զնայած ԱՄՆ-ն ի սկզբանե աջակցում էր Շևարդնաձեին, նույնիսկ անձնական կապերի պատճառով, այնուամենայնիվ, Միացյալ Նահանգները, ի վերջո, որոշեց աջակցել «Վարդերի հեղափոխությանը» Կրաստանում կոռուպցիայի դեմ արդյունավետ պայքարի և քաղաքացիական հասարակության ամրապնդման պատրվակներով: Դա հիմնականում պայմանավորված էր նրանով, որ Շևարդնաձեին մոտ գտնվող անձինք, ինչպես Բեյքերը, այնպես էլ Զ. Բուշ Ավագը, հետագայում հեռացան Օվալաձև գրասենյակից և այլևս ամերիկյան ակտիվ քաղաքական կայսրության մաս չէին: Հետևաբար այն ազդեցությունը,

¹ Տե՛ս David Aprasidze, 25 Years of Independent Georgia Achievements and Unfinished Projects, “25 Years of Georgia’s Democratization: Still Work in Progress”, Edited by Gia Nodia, Konrad-Adenauer-Stiftung, Ilia State University, 2016, էջ 105:

² Տե՛ս S. Neil MacFarlane, Georgian Foreign Policy: The Quest for Sustainable Security, The Reluctant Patron: Georgia-U.S. Relations, Edited by Kornely Kakachia and Michael Cecire, Konrad-Adenauer-Stiftung, Tbilisi, 2013, էջ 81:

³ Տե՛ս Գոա Ջոնտաձերոժե, Դժոնոն Գարձոձան ձերջեմոն Գնամձե, “Եձաարձ Մեջարձնամոն Քոլոլոձոջերո մոլձաճոլոձ”, տձոլոնո 2018 (Գ. Ջոխթաթերիձե, «Երկաթե վարագոյրից Մետաքսի ճանապարհ», «Էդուարդ Շևարդնաձեի քաղաքական գործունեությունը», Թբիլիսի 2018), էջ 16:

⁴ Տե՛ս U.S. Embassy in Georgia, “U.S.-Georgia Relations: 23 Years Old and Getting Stronger (April 23)”, Tbilisi, 23 April, 2015, <https://ge.usembassy.gov/u-s-georgia-relations-23-years-old-getting-stronger-april-23/>, դիտումը՝ 03.02.2021:

⁵ Տե՛ս Jim Nichol, Georgia and the Caucasus region, “Armenia, Azerbaijan, and Georgia: Political Developments and Implications for U.S. Interests”, Edited by Fran W. Haro, New York, 2010, էջ 90:

⁶ Տե՛ս Lincoln A. Mitchell, Uncertain Democracy: U.S. Foreign Policy and Georgia’s Rose Revolution, University of Pennsylvania Press, Philadelphia, 2009, էջ 114:

⁷ Տե՛ս Lincoln Mitchell, Current History, “Georgia’s Rose Revolution”, Volume 103, Issue 675, University of California Press, October 2004, էջ 345-346.

⁸ Տե՛ս Charles King, The Ghost of Freedom, “A History of the Caucasus”, Oxford 2008, էջ 230:

որն առկա էր անձնական կապերի գոյության միջոցով, վերացավ առանցքային գործիչների հեռանալուց հետո, դրա հետ միասին Շևարդնաձեի աջակցությունը: Երկրորդ պատճառը կապված էր կոռուպցիայի հետ, որը Շևարդնաձեի կառավարման կողմնակի ազդեցությունն էր, ինչը թուլացրեց երկիրը՝ այն դարձնելով խոցելի թիրախ ոչ բարեկամ պետությունների համար, ինչպես նաև Վրաստանը սկսել էր լայնացնել կապերը ՌԴ-ի հետ:

Նման իրավիճակում Միացյալ Նահանգները նախընտրեց վստահել մի երիտասարդ ուժի, որը նոր լիցք կարող էր հաղորդել Վրաստանի հետ երկկողմ և բազմակողմ դիվանագիտական հարաբերություններում:

Վրաստանում ներքաղաքական լարվածությունն ավարտվեց նրանով, որ Շևարդնաձեն հրաժարական տվեց քրեական հետապնդումից անձեռնամխելիության դիմաց, և Բուրջանաձեին ԱՄՆ-ն ճանաչեց որպես նախագահի պաշտոնակատար¹: Այսպիսով, 2003 թ. նոյեմբերի 23-ին Վրաստանում տեղի ունեցած «Վարդերի հեղափոխությունից» հետո երկրի նախագահի լիազորություններն անցավ խորհրդարանի խոսնակ Նինո Բուրջանաձեին: Վերջինիս նախաձեռնությամբ էլ կազմակերպվեցին և անցկացվեցին նախագահական արտահերթ ընտրություններ²:

2004 թ. հունվարի 4-ին Վրաստանում տեղի ունեցած նախագահի արտահերթ ընտրությունների արդյունքում 96,27 տոկոս ձայների գերակշռությամբ հաղթանակ տարավ «Միացյալ ազգային շարժում» կուսակցության առաջնորդ Միխեիլ Սաակաշվիլին³:

Քվեարկության արդյունքները միջազգային դիտորդների կողմից օրինական ճանաչվելուց հետո նախագահի պաշտոնը ստանձնեց երիտասարդ Միխեիլ Սաակաշվիլին՝ Կոլումբիայի (ԱՄՆ) համալսարանում կրթություն ստացած, օտար լեզուների իմացությամբ, նախորդ տասնամյակում ԱՄՆ ժողովրդավարության աջակցության ծրագրերով հովանավորված, Վրաստանում համակրելի ու ազդեցիկ քաղաքական գործիչներից մեկը⁴:

Վրաստանում հեղափոխության արդյունքում ձևավորված նոր իշխանություններից ակնկալվում էր Վրաստան-ԱՄՆ դիվանագիտական հարաբերությունների ընդլայնում, խորացում և ամրապնդում, որին սկիզբ տրվեց Սաակաշվիլիի նախագահի երդմնակալության տեքստի բովանդակությամբ⁵: Մինևույն ժամանակ Վրաստան-ԱՄՆ հարաբերություններին սպասվում էր զարգացման նոր փուլ և հեռանկար, որը, ըստ երևույթին, պայմանավորված էր Մ. Սաակաշվիլիի վարչակազմի արտաքին քաղաքականության գերակայություններով ու Արևմուտքի հետ հարաբերությունների խորացման ձգտումներով:

2004 թ. հունվարի 25-ին Սաակաշվիլիի նախագահի երդմնակալությանը ներկա էին տարբեր երկրների՝ ՌԴ-ի, ՀՀ-ի, Ադրբեջանի, Թուրքիայի, բարձրաստիճան պաշտոնյաներ, այդ թվում՝ նաև ԱՄՆ պատվիրակությունը պետքարտուղար Քոլին Փաուելի գլխավորությամբ⁶:

Երդմնակալությունից անմիջապես հետո պետքարտուղար Ք. Փաուելը, Վրաստանի նախագահի պաշտոնը նոր ստանձնած Մ. Սաակաշվիլիի հետ հանդիպման ընթացքում գովեստի խոսքեր ասելով երիտասարդ վարչակազմին, վստահեցրեց, որ ԱՄՆ-ն

¹ St' u Mindia Vashakmadze, From Revolution to the Reform: Georgia's Struggle with Democratic Institution Building and Security Sector Reform, "Democracy and Security: The Legal Framework of Security Sector Governance in Georgia", Editors: Philipp H. Fluri and Eden Cole, Vienna and Geneva, July 2005, էջ 45:

² St' u Niklas Nilsson, The guns of August 2008: Russia's war in Georgia, "Georgia Rose Revolution: The Break with the Past", Edited by Svante E. Cornell, S. Frederick Starr, Central Asia-Caucasus Institute, Armonk, New York, 2009, էջ 88:

³ St' u Եվեջո, Ձեզոս Բեջո, "Եվեջո Նաճրեջոձեդեճո արճեջեջոս Ձեզեջեջոս ձեջեջեջոս", 15 օնջեջո, 2004 (ԿԸՀ, լրատվամիջոցների հաղորդագրություն, «ԿԸՀ-ն հայտարարում է նախագահի ընտրությունների արդյունքները», 2004 թ. հունվարի 15-ը), <https://cesko.ge/geo/list/show/333-cesko-saprezidento-archevnebis-shedegebs-acxadebs-1985>, դիտումը՝ 14.12.2020:

⁴ St' u Charles King, The Ghost of Freedom, "A History of the Caucasus", Oxford 2008, էջ 230-231:

⁵ Հատված Սաակաշվիլիի երդմնակալության տեքստից ԱՄՆ-ի վերաբերյալ. «Մինևույն ժամանակ, մենք երախտապարտ ենք և գնահատում ենք այն օգնությունը, որը ցուցաբերել է Միացյալ Նահանգները տարիներ շարունակ, երբ Վրաստանը բախվում էր ամենաբարդ դժվարությունների, երբ մենք ամենահուսահատ ժամանակ ընկերոջ կարիքն ունեինք, Միացյալ Նահանգները աջակցում էր մեզ: Դա երբեք չի մարելու մեր հիշողություններից, և վրաց ժողովուրդը երախտագիտության այս զգացումը կփոխանցի հաջորդ սերունդներին, ինչպես եվրոպացիները, որոնց Երկրորդ համաշխարհային պատերազմի տարիներին օգնեցին ամերիկացիները, և նրանք նույնը արեցին պատերազմից հետո»: St' u President Saakashvili's Inauguration Speech, *Civil.ge*, 25/01/2004 - 17:44, <https://civil.ge/archives/186853>, դիտումը՝ 01.02.2021:

⁶ St' u U.S. Department of State, "Inauguration of Georgian President Mikheil Saakashvili", Archive, Tbilisi, Georgia, January 25, 2004, <https://2001-2009.state.gov/secretary/former/powell/photos/28481.htm>, դիտումը՝ 03.02.2021:

պատրաստ է կողմերի միջև հարաբերությունները բարձրացնել նոր որակական մակարդակի, աջակցել Վրաստանին և նրա ժողովրդին երկրի բոլոր ոլորտներում՝ անվտանգության, ռազմական, քաղաքական, իրավական, տնտեսական և այլն՝ իրականացնելու բարեփոխումներ և ամրապնդելու ժողովրդավարության ու քաղաքացիական հասարակության գոյության հիմքերը¹: ԱՄՆ-ն առանց ժամանակ կորցնելու Փաուելի միջոցով Սաակաշվիլին պաշտոնապես հրավիրեց Վաշինգտոն՝ փետրվարի 25-ին նախագահ Ջ. Բուշի հետ հանդիպման²: Սրանից կարելի է եզրակացնել, որ ԱՄՆ-ն ցանկանում էր երկկողմ ինտենսիվ փոխայցերի միջոցով ցուցադրել Հարավային Կովկասում իր մեծ դերակատար լինելու փաստը, քանզի Վրաստանը նոր հնարավորություն էր ԱՄՆ-ի համար՝ կովկասյան տարածաշրջան մուտք գործելու և իր կամքը թելադրելու Սև ու Կասպից ծովերի ավազաններում, ինչպես նաև Նոր մետաքսե ճանապարհի վերահսկման նպատակով:

Նույն օրը Փաուելը վրացական «Ռուսթավի-2» հեռուստաընկերության («Rustavi-2» TV) լրագրող Ակակի Գոգիչաիշվիլիի հետ հարցազրույցի ժամանակ, հստակորեն ընդգծել է Վրաստանի հետ հարաբերությունների զարգացման ուղղությունները՝ ժողովրդավարության զարգացման, անվտանգության ապահովման, տնտեսական ու ֆինանսական աջակցության, ՆԱՏՕ և ԵՄ անդամակցության աջակցության, Աբխազիայի ու Հարավային Օսիայի կոնֆլիկտների Վրաստանի տարածքային ամբողջականության սկզբունքով խաղաղ կարգավորման և այլն³:

2004 թ. փետրվարի 11-ին՝ որպես Վրաստանի նախագահ առաջին պաշտոնական այցը ԱՄՆ կատարելուց առաջ, Սաակաշվիլին Մոսկվայում հանդիպել է ՌԴ նախագահ Վ. Պուտինի հետ⁴, որպեսզի ռուս կոլեգայից լսելով Վրաստանի նկատմամբ Ռուսաստանի դիրքորոշումները կարողանա ավելի հստակ և վստահորեն բանակցել ամերիկյան գործընկերների հետ:

Նույն թվականի փետրվարի 25-ին Սաակաշվիլին պաշտոնապես այց կատարեց ԱՄՆ և հաջորդ օրը Օվալաձև գրասենյակում հանդիպեց նախագահ Ջ. Բուշ Կրտսերի հետ: Նախագահները քննարկեցին երկկողմ հարաբերություններին առնչվող բազում հարցեր՝ քաղաքական, անվտանգային, տնտեսական, մշակույթային, իրավական, ժողովրդավարության զարգացման և այլն, բացի դրանից՝ Բուշը խոստացել էր աջակցել Վրաստանից ռուսական գործերի դուրսբերման գործընթացում:⁵ Այս հանդիպման արդյունքում կարող ենք եզրակացնել, որ Սաակաշվիլին պատրաստ էր կրել ամերիկյան արժեքները և ապրել նրանց առաջարկած ապագայում՝ միաժամանակ ստանալով անվտանգության երաշխիքներ՝ Ռուսաստանից ակնկալվող ցանկացած ագրեսիայից պաշտպանվելու համար:

Վաշինգտոնում նախագահների հանդիպմանը հաջորդեց գործողությունների նախաձեռնման և իրականացման շարքը:

2004 թ. Թբիլիսիում մեկնարկեց Վրաստանի համար ռազմավարական նշանակություն ունեցող, ԱՄՆ սենատոր Ռիչարդ Լուգարի անունը կրող լաբորատորիայի շինարարությունը՝ հիմնվելով 1997 թ. ԱՄՆ-ի և Վրաստանի կառավարությունների կողմից ստորագրված շրջանակային համաձայնագրի⁶, ինչպես նաև ԱՄՆ-ի և Վրաստանի պաշտպա-

¹ Տե՛ս U.S. Department of State, Secretary Colin L. Powell, "Remarks With Georgian President Mikheil Saakashvili at Town Hall Event", Archive, Tbilisi, January 25, 2004, <https://2001-2009.state.gov/secretary/former/powell/remarks/28484.htm>, դիտումը՝ 14.02.2021:

² Տե՛ս նույն տեղում:

³ Տե՛ս U.S. Department of State, Secretary Colin L. Powell, "Interview With Akaki Gogichaishvili of Rustavi 2 TV, Georgia", Archive, Tbilisi, January 25, 2004, <https://2001-2009.state.gov/secretary/former/powell/remarks/28480.htm>, դիտումը՝ 15.02.2021:

⁴ Տե՛ս **Андрей Колесников**, "Михаил Саакашвили сверился с Владимиром Путиным протокол", Газета "Коммерсантъ", №25, 12.02.2004, էջ 2:

⁵ Տե՛ս The White House, "President Bush Welcomes Georgian President Saakashvili to White House", February 25, 2004, <https://georgewbush-whitehouse.archives.gov/news/releases/2004/02/20040225-1.html>, դիտումը՝ 02.03.2021:

⁶ Տե՛ս **საქართველოს საკანონმდებლო მაცნე**, საქართველოს საგარეო საქმეთა მინისტრი, "შეთანხმება საქართველოსა და ამერიკის შეერთებულ შტატებს შორის მასობრივი განადგურების იარაღის გავრცელების თავიდან აცილების სფეროში თანამშრომლობისა და თავდაცვითი და სამხედრო კავშირების გაღრმავების შესახებ". 1997 წლის 17 ივლის, სარეგისტრაციო კოდი; 000000430.00.003.000073 (Վրաստանի օրենսդրական տեղեկագիր, Վրաստանի արտաքին գործերի նախարար, «Համաձայնագիր՝ Վրաստանի և ԱՄՆ-ի միջև զանգվածային ոչնչացման զենքի տարածումը կանխելու և պաշտպանական ու ռազմական

նության նախարարությունների միջև 2002 թ. կնքված կենսաբանական զենքերի զարգացման հետ կապված պաթոզենեզի և փորձի ներդրումը կանխարգելելու ոլորտում համագործակցության վերաբերյալ համաձայնագրի վրա¹: Այս նախագիծը իրականացնելու համար ԱՄՆ-ն շուրջ 350 մլն դոլարի ներդրում կատարեց Կրաստանի տնտեսություն²:

2004 թ. ապրիլի 26-ին՝ Վաշինգտոնում պետքարտուղար Փաուելի հետ հանդիպման ժամանակ, Կրաստանի վարչապետ Ջուրաբ ժվանիան քննարկել է Կրաստանում պետական ինստիտուտների և քաղաքացիական հասարակության զարգացման օրակարգը, ինչպես նաև Աջարիայի հիմնախնդրի կարգավորման հարցերը³: ժվանիան, պետքարտուղարի մոտ հատուկ ընդգծելով Կրաստանին Վարդերի հեղափոխությունից հետո աջակցության չափերով ԱՄՆ առաջնային երկրներից լինելու փաստը, ակնկալում էր ավելի մեծ ներդրումներ ու ֆինանսական աջակցություն ստանալ Միացյալ Նահանգներից պետական ինստիտուտները եվրոպական երկրների չափանիշներին համահունչ դարձնելու նպատակով:

2004 թ. նոյեմբերի 18-ին Կրաստանի Վարդերի հեղափոխության արժեքը բարձրացնելու նպատակով ԱՄՆ Սենատը միաձայն ընդունեց հանրապետական սենատորներ Ջոն Մաքքեյնի և Ռիչարդ Լուգարի կողմից ներկայացրած S.Res.472 բանաձևը, ըստ որի՝ ԱՄՆ-ն, շնորհավորելով վրաց ժողովրդին Վարդերի հեղափոխության առաջին տարեդարձի առթիվ, մեծարեց նախագահ Միխեիլ Սաակաշվիլիին՝ բարձր գնահատելով խաղաղ ու ժողովրդավարական Կրաստանին, օրենքի գերակայությանը, բաց շուկայական տնտեսությանը, տարածաշրջանային համագործակցությանը և արևմտյան ինստիտուտներին սերտ ինտեգրվելու տեսլականին և նվիրվածությանը⁴: Սա ևս մեկ ազդակ էր ԱՄՆ-ից Կրաստանին սատար լինելու և ռուսական ազդեցությունը մեկընդմիջտ վերացնելու համար:

2004 թ.՝ Կրաստանում ընտրությունների միջոցով Սաակաշվիլիի իշխանության վերջնական ձևավորվելուց հետո, Կրաստան-ԱՄՆ դիվանագիտական հարաբերությունների խորացման համատեքստում շատ կարևոր էր նաև ԱՄՆ ընտրություններում Բուշ Կրտսերի վերընտրվելը, քանի որ երկու երկրների միջև զարգացող հարաբերությունները կապված էին նաև այդ անձանց և իրենց վարչակազմերի ունեցած մտերմության հետ:

2005 թ. հունվարի 20-ին տեղի ունեցավ վերընտրված Ջ. Բուշ Կրտսեր նախագահի երդմնակալության արարողությունը, որտեղ իր ելույթում առաջնահերթություն համարեց ազատության և ժողովրդավարության տարածման աջակցությունը, ինչպես նաև սահբեկչության դեմ պայքարը, որոնք ամբողջովին տեղավորվում էին Կրաստանի հետ հարաբերությունների հետագա զարգացման քաղաքականության շրջանակներում⁵:

Կրաստանի համար ԱՄՆ-ի հետ դիվանագիտական հարաբերությունների զարգացման կարևորությունը նկատվում էր անգամ Բուշի այցելության նախօրեին Թբիլիսիում կատարվող նախապատրաստական աշխատանքներից⁶: Սաակաշվիլիին չխանգարեց նույնիսկ վարչապետ Ջուրաբ ժվանիայի (2005 թ. փետրվարի 3)⁷ մահը՝ կազմակերպելու շքեղ ընդունելություն ամերիկյան գործընկերոջ համար: ժվանիան մեծ դեր

կապերի ամրապնդման շուրջ համագործակցության մասին», 1997 թ. հուլիսի 17, գրանցման ծածկագիր՝ 000000430.00.003.000073):

¹ Տե՛ս Ministry of Foreign Affairs of Georgia, “Comment by the MFA of Georgia in response to the comment of the Information and Press Department of the MFA of the RF”, 27 May, 2020, [https://mfa.gov.ge/News/sagareo-saqmeta-saministros-presisa-da-informa-\(6\).aspx?CatID=5&lang=en-US](https://mfa.gov.ge/News/sagareo-saqmeta-saministros-presisa-da-informa-(6).aspx?CatID=5&lang=en-US), դիտումը՝ 11.03.2021:

² «Լուգար» հետազոտական կենտրոնը մի շարք կենսապաշտպանական համագործակցության համաձայնագրերի արդյունք է: Այն առաջին անգամ բացվել է 2011 թ., սակայն ամբողջությամբ գործում է 2013 թվականից: Նրա սեփականությունն ամբողջությամբ փոխանցվեց Կրաստանի կառավարությանը միայն 2018 թ.: Այսօր կենտրոնը գործում է Կրաստանի հիվանդությունների վերահսկման և հանրային առողջության ազգային կենտրոնի (NCDCPH) կողմից և ծառայում է որպես հանրային առողջության համակարգի տեղեկատու լաբորատորիա: Տե՛ս **Zaal Anjaparidze**, Russia Dusts Off Conspiracy Theories about Georgia’s Lugar Center Laboratory in Midst of COVID-19 Crisis, Eurasia Daily Monitor Volume: 17, Issue: 62, The Jamestown Foundation, May 5, 2020, <https://jamestown.org/about-us/support-jamestown/>, դիտումը՝ 12.03.2021

³ Տե՛ս U.S. Department of State, Secretary Colin L. Powell, “Remarks with Georgian Prime Minister Zurab Zhvania After Their Meeting”, Archive, Washington, DC, April 26, 2004, <https://2001-2009.state.gov/secretary/for-powell/remarks/31815.htm>, դիտումը՝ 03.03.2021:

⁴ Տե՛ս S.Res.472 - A resolution to honor the people of Georgia on the first anniversary of the Rose Revolution, sponsored by John McCain (R-AR) and Richard Lugar (R-IN), 108th Congress (2003-2004), *Congress.gov*, 18 November, 2004, <https://www.congress.gov/bill/108th-congress/senate-resolution/472/text>, դիտումը՝ 12.03.2021:

⁵ Տե՛ս George W. Bush, Decision Points, Freedom Agenda, Crown Publishers, New York, 2010, էջ 240:

⁶ Տե՛ս გაზეთი 24 საათი, შაბათი, 7 მაისი, 2005 წელი («24 ժամ», շաբաթ, 7-ը մայիսի, 2005 թ.), №101 (961), էջ B1:

⁷ Տե՛ս “ზურაბ ჟვანიას გარდაცვალებიდან 7 წელიწადი გავიდა” (Ջուրաբ ժվանիայի մահից անցել է 7 տարի), *netgazeti.ge*, 03.02.2012, <https://netgazeti.ge/news/12565/>, դիտումը՝ 08.04.2021:

պայքար մղելու պատրաստակամությամբ¹: Եթե համեմատենք նախորդ իշխանությունների հետ, ապա այս հարաբերությունները նման են ճիշտ Ջ. Բուշ Ավագի և Է. Շևարդնաձեի վարչակարգերի կառուցած հարաբերություններին: Չնայած Վրաստանը ակնհայտորեն ի վիճակի չէր ֆինանսական կամ նույնիսկ նշանակալից քաղաքական աջակցություն ցուցաբերել Միացյալ Նահանգներին, այնուամենայնիվ Բուշի վարչակազմը բարձր գնահատեց նրանց պատրաստակամությունը ԱՄՆ-ին աջակցելու համար, ինչպես Իրաքում, Աֆղանստանում այնպես էլ այլ երկրներում և հարթակներում²:

Այսպիսով, 2003 թ. Վարդերի հեղափոխությունը սկիզբ դրեց Վրաստանի հետ ԱՄՆ հարաբերությունների արագ վերափոխմանը: Միխեիլ Սասկաշվիլիի գլխավորած կառավարության նոր թիմը քաջ հայտնի էր Միացյալ Նահանգների վարչակազմին և այն կազմակերպություններին, որոնք ֆինանսավորվում էին ԱՄՆ-ից: Սա կարևոր բաղադրիչ էր կողմերի միջև դիվանագիտական հարաբերությունների արագ ընդլայնման և զարգացման ճանապարհին:

Վրաստանի և ԱՄՆ բարձրաստիճան պաշտոնյաների ինտենսիվ փոխայցերը և հանդիպումները ևս խթան հանդիսացան կողմերի միջև հարաբերությունների զարգացումը հասցնելու մինչև ամենաբարձր մակարդակի վրա, սակայն այդ ամենը տեղի ունացավ Վրաստան-ՌԴ դիվանագիտական հարաբերությունների վատթարացման հաշվին: Վրաստանի նախագահ Սասկաշվիլին բոլոր առիթներն օգտագործում էր վնասելու Ռուսաստանի հեղինակությունն ու նվազեցնում տարածաշրջանում ունեցած դերը: Հատկանշական է, որ Սասկաշվիլին առանց որևէ ապացույցի ՌԴ ղեկավարությանը մեղադրեց 2006 թ. հունվարին պայթյունի հետևանքով գազատարի երկու գծերի (հիմնականը՝ 1200 մմ տրամագծով, պատկանում է Հյուսիսային Կովկաս-Անդրկովկաս գազատարին, պահուստայինը՝ 700 մմ տրամագծով (Մոզդոկ-Թբիլիսի մասնաձյուղ)) և Կովկասի էլեկտրահաղորդման գծի երկու հենասյուների ոչնչացման մեջ, որոնք Վրաստանին ու ՀՀ-ին մատակարարում էին ռուսական գազ և էլեկտրաէներգիա³:

Սասկաշվիլին այս հարցում մեղադրեց նաև ՀՀ ղեկավարությանը ՌԴ-ի դեմ ոչինչ չանելու և նրանց չմեղադրելու համար, իսկ Ադրբեջանի նախագահ Ի. Ալիևին շնորհակալություն հայտնեց Վրաստանին ցուրտ օրերին էներգիայով ապահովելու համար, մինչդեռ Ադրբեջանը գազն ու էլեկտրաէներգիան Վրաստանին մատակարարել էր ՌԴ միջնորդությամբ և խնդրանքով, մինչև վնասված խողովակներն ու էլեկտրաէներգիայի լարերը կվերանորոգվեին⁴:

2006 թ. ԱՄՆ անկախության օրվա կապակցությամբ Սասկաշվիլին աշխատանքային այցով եղավ Վաշինգտոնում, և նախագահ Բուշի հետ քաղաքական, տնտեսական ու հումանիտար հարցերի քննարկումից բացի՝ նա հանդիպեց պաշտպանության նախարար Դոնալդ Ռամսֆելդին, ազգային հետախուզության տնօրեն Ջոն Նեգրոպոնտեին, Սենատի արտաքին հարաբերությունների հանձնաժողովի նախագահ Ռիչարդ Լուգարին, Համաշխարհային բանկի խորհրդին և այցի վերջին օրը տեսակցեց պետքարտուղար Կոնդոլիզա Ռայսի հետ⁵: Այս իրադարձությունները լայնորեն լուսաբանվեցին ինչպես վրացական և ամերիկյան, այնպես էլ ռուսական լրատվամիջոցներում: Որքան հաճախակի լինեին երկու երկրների բարձրաստիճան պաշտոնյաների հանդիպումների դինամիկան, այնքան ավելի մեծ կլինեին ֆինանսավորումը Վրաստանի համար:

2007 թ. մարտի 29-30-ը ԱՄՆ պետքարտուղարի օգնականի տեղակալ Մեթյու Բրայզան Վրաստանի ժողովրդավարական բարեփոխումների, հակամարտությունների խաղաղ կարգավորման, եվրաստլանտյան ինտեգրման, էներգետիկ ոլորտում և

¹ St' u Alexander Cooley & Lincoln A. Mitchell, No Way to Treat Our Friends: Recasting Recent U.S.–Georgian Relations, *The Washington Quarterly*, Published online: 09 Jan 2009, էջ 29, <https://doi.org/10.1080/01636600802540895>, դիտումը՝ 21.03.2021:

² St' u չորջ Զլում: თქვენი ქვეყანა აშშ-ს ერთ-ერთი სერიოზულ მოკავშირეა, საქართველოს რესპუბლიკა გაზეთი, № 111 (5144), ოთხშაბათი, 11 მაისი 2005 წელი, (Ջորջ Բուշ. Ձեր երկիրը ԱՄՆ-ի ամենալուրջ դաշնակիցներից մեկն է, «Վրաստանի Հանրապետություն» թերթ, № 111 (5144), չորեքշաբթի, 11 մայիսի, 2005), էջ 1:

³ St' u Петр Бологов, Газовая вакханалия; Взрывы на газопроводе и ЛЭП вызвали в Грузии новый всплеск русофобии, *Lenta.ru*, 23 января 2006, <https://lenta.ru/articles/2006/01/23/georgia/>, դիտումը՝ 02.05.2021:

⁴ St' u նույն տեղում:

⁵ St' u The White House, “President Bush Welcomes President Saakashvili of Georgia to the White House”, July 5, 2006, <https://georgewbush-whitehouse.archives.gov/news/releases/2006/07/20060705-4.html>, դիտումը՝ 12.04.2021:

վրացական տնտեսության շարունակական զարգացմանն առնչվող հարցերի քննարկման նպատակով աշխատանքային այց կատարեց Վրաստան և հանդիպեց ընդդիմության այն կուսակցություններին, որոնք ներկայացված էին խորհրդարանում¹: Սա բոլոր ուժերին ամերիկյան քաղաքական ազդեցության տակ պահելու փորձ էր: Պատճառն այն էր, որ ժվանիայի մահից հետո Վրաստանում մեծանում էր ներքաղաքական լարվածությունը, և ԱՄՆ-ն իր վերահսկողությունն էր պահում բոլոր ուժերի նկատմամբ հետագայում կառավարելի դարձնելու համար:

Կողմերի միջև դիվանագիտական հարաբերությունների խորացումն ու պետական պաշտոնյաների ինտենսիվ հանդիպումները նպաստեցին նաև ԱՄՆ և Վրաստանի կառավարությունների միջև օդային տրանսպորտի վերաբերյալ պայմանագրի կնքմանը: 2007 թ. հունիսի 21-ին Վաշինգտոնում ԱՄՆ-ի և Վրաստանի միջև կնքված օդային տրանսպորտի վերաբերյալ պայմանագիրը նոր հնարավորություն էր տալու քաղաքացիներին փոխայցեր կատարելու ինչպես զբոսաշրջիկի այնպես էլ գործարարի կարգավիճակով, բացի դրանից՝ նրանք ավելի հեշտ ու արագ կծանոթանային միմիայնց մշակույթին՝ Վրաստանը զերծ պահելով ռուսական մշակույթի տարածումից²:

Պետք է արձանագրենք նաև այն փաստը, որ Սաակաշվիլիի ղեկավարման առաջին շրջանի ավարտին արդեն գործում էր Վրաստանի և ԱՄՆ-ի միջև կնքված, տարբեր ոլորտներին առնչվող երկու տասնյակից ավելի երկկողմ պայմանագրեր և հուշագրեր³:

Արդեն 2007 թ. Վրաստանում նկատվում էր ներքաղաքական լարվածություն. Իշխանություններից դժգոհ քաղաքացիների թիվը, օր օրի մեծանալով, վերածվեց բազմահազարանոց հանրահավաքի, և նոյեմբերի 7-ին ուժայինները, օգտագործելով գազային նոնակներ, մահակներ ու ջրցան մեքենաներ, փորձեցին թքիլիսիի խորհրդարանի մոտից ցրել ընդդիմադիրների և դժգոհ քաղաքացիների հանրահավաքները⁴: Ժողովրդավարական արժեքների բարձր գնահատականներ կրող երկրում իշխանությունները, նույնիսկ «Իմեդի» հեռուստաընկերության գրասենյակի վրա հարձակվելով, սահմանափակեցին ընդդիմադիրների ազատ խոսքի ու թափանցիկության իրավունքը⁵:

Սաակաշվիլին Վրաստանում բողոքի ակցիաների կազմակերպման, ոստիկանության ու ցուցարարների միջև բախումներ հրահրելու մեջ մեղադրեց Ռուսաստանին, անգամ պնդում էր ապացույցներ ունենալու փաստի մասին, որ անկարգությունների կազմակերպման ակունքներում ռուսական հետախուզությունն է կանգնած, և դրա հիման վրա Վրաստանից վտարեց երեք ռուս դիվանագետների, ինչպես նաև Մոսկվայից հետ կանչեց իր դեսպանին⁶: Սաակաշվիլին, այդպես էլ առանց փաստեր և ապացույցներ ներկայացնելու, դիվանագետներին հեռացնելով, վերջակետ դրեց Ռուսաստանի հետ դիվանագիտական հարաբերություններին, փոխարենը պարարտ հող ստեղծեց Արևմուտքի հետ հարաբերությունների ընդլայնման համար: Անշուշտ, Սաակաշվիլիի կողմից արված այս քայլը լուրջ խնդիրների առաջ կանգնեցրեց նաև Վրաստանում բնակվող որոշ ազգային փոքրամասնությունների, հատկապես Ջավախքի հայ համայնքին, որոնք իրենց ապրուստի հիմնական միջոցը վաստակում էին Ռուսաստանում արտագնա աշխատանքի մեկնելով:

2007 թ. նոյեմբերի 7-ին ռուսական Կոմերսանտ թերթը հրապարակեց մի հոդված, որում ընդդիմադիրները հերքում էին Կրեմլի կողմնակիցներ լինելու փաստը և օգնության համար դիմում ԱՄՆ-ին՝ պահանջելով լուծել Վրաստանում քաղաքական ձգնաժամը և փոխել կառավարման կարգը՝ նախագահականից անցում կատարել խորհրդարանականի⁷:

¹ Տե՛ս “Opposition Leaders Hail Talks with U.S. Diplomat”, *Civil.ge*, 29/03/2007, <https://civil.ge/archives/112165>, դիտումը՝ 18.05.2021:

² Տե՛ս Department of State, Treaties and Other International Acts Series 07-1206, Civil Aviation, Transport Services, Agreement Between the USA and Georgia, Signed at Washington June 21, 2007:

³ Տե՛ս United States Department of State, Treaties in Force, A List of Treaties and Other International Agreements of the United States in Force on January 1, 2010, էջ 104-105:

⁴ Տե՛ս Տառապեղ Բաժնյան, 2007 թ. հունիսի 7-ի իրադարձությունները — մոլեկուլային լոգոտիկա, *On.ge*, 7 հունիսի 2018, 20:15 (Սալոմե Չաղունելի, 7 նոյեմբերի, 2007 թ. - Իրադարձությունների ժամանակագրություն, *On.ge*, 7 նոյեմբերի, 2018 թ.), դիտումը՝ 02.06.2021:

⁵ Տե՛ս 2007 թ. հունիսի 7-ի իրադարձությունները - ձեռնարկ և փոփոխություններ «Իմեդի» (7 նոյեմբերի, 2007 թ. – ցրել ցույցը և ներխուժել «Իմեդի»), տեղադրվել է 07.11.2018 թ., https://www.youtube.com/watch?v=bZd_7moYGnY, դիտումը՝ 03.06.2021:

⁶ Տե՛ս Margarita Antidze, Niko Mchedlishvili, Georgia declares state of emergency, *Reuters*, November 8, 2007, <https://www.reuters.com/article/instant-article/idUKL0752768220071107>, դիտումը՝ 08.06.2021:

⁷ Տե՛ս Ольга Алленова, “Михаила Саакашвили хотят упразднить как пост; Оппозиция Грузии выступила против президентского правления”, Газета “Коммерсантъ”, №182, 05.10.2007, էջ 9:

Սաակաշվիլիի վարչակազմի նկատմամբ արագորեն նվազող ժողովրդի վստահությունն ու երկրում տիրող քաղաքական իրավիճակը ցույց տվեցին, որ այս իշխանությունները պատրաստ են ամեն գնով պահել իրենց իշխանությունը՝ անգամ ոտնահարելով իրենց կողմից առաջ քաշված ժողովրդավարության արժեքները: Հատկանշական է, որ նույնիսկ այն կազմակերպություններն ու երկրները, որոնք բարձր էին գնահատում Սաակաշվիլիի ջանքերը Վրաստանը ժողովրդավարության ճանապարհով տանելու համար, սկսել էին քննադատել խաղաղ ցուցարարներին՝ բռնությամբ ցրելու և երկիրը բռնապետության վերածելու համար, միևնույն ժամանակ նրանց ճնշումների և ֆինանսական աջակցության նվազեցման սպառնալիքներով պայմանավորված նշանակվեցին արտահերթ նախագահական ընտրություններ: Այս անգամ ևս ԱՄՆ-ի համար շատ կարևոր էր Վրաստանում արտահերթ ընտրությունների ազատ և արդար անցկացումը, որպեսզի չոտնահարվեն այն սկզբունքները, որոնք առաջ են քաշվել նախագահ Ջ. Բուշ Կրտսերի և նրա վարչակազմի կողմից:

Սաակաշվիլիի սխալներն ուղղելու և կրկին մեկ հնարավորություն տալու համար 2007 թ. դեկտեմբերի 13-ին ԱՄՆ Սենատը (սենատորներ Ռիչարդ Լուգարի և Ջո Բայդենի առաջարկությամբ) միաձայն ընդունեց «S.Res.391» բանաձևը, որով կոչ էր արվում նախագահ Բուշին՝ բաց քննարկում ծավալելու Վրաստանի լիդերների հետ և ԱՄՆ-ի անունից աջակցության պատրաստակամություն հայտնելու 2008 թ. հունվարի 5-ի արտահերթ ընտրություններն արդար և ժողովրդավարության սկզբունքներին համապատասխան անցկացնելու նպատակով¹:

Այնուամենայնիվ, պետք է արձանագրել, որ 2000-ական թթ. Վրաստանը դարձավ ԱՄՆ-ի կողմից մեկ շնչի հաշվով Եվրոպայում ու Եվրասիայում օգնություն ստացող խոշորագույն երկիրը: 2001 թվականից մինչև 2007 թվականը Վրաստանին արտաքին օգնության հատկացումները կազմել են ավելի քան 945 միլիոն դոլար (միջին հաշվով տարեկան 135 միլիոն դոլար)²:

Ինչ վերաբերում է ՌԴ-ի և Վրաստանի միջև եղած դիվանագիտական հարաբերություններին, ապա 2004-2007 թթ. ընթացքում նախագահներ Սաակաշվիլին և Պուտինը հանդիպել են երեք անգամ՝ 2004 թ. փետրվարի 11-ին՝ Մոսկվայում Միխեիլ Սահակաշվիլիի նախագահ ընտրվելուց անմիջապես հետո, 2004 թ. հուլիսի 3-ին՝ Մոսկվայում ԱՊՀ ոչ պաշտոնական գագաթնաժողովի ժամանակ, և 2005 թ. օգոստոսի 27-ին Կազանում, ինչպես նաև այդ ընթացքում նրանք հեռախոսով խոսել են 13 անգամ³:

Այդուհանդերձ, ՌԴ-ի հետ դիվանագիտական հարաբերությունների վատթարացումը Վրաստանի համար վերածվեց ազգային անվտանգության գլխավոր մարտահրավերի, ուստի Վրաստանը բնակչության անվտանգությունը ապահովելու նպատակով ընտրեց երկու ճանապարհ՝ ինտեգրումը ՆԱՏՕ-ի և ռազմաքաղաքական համագործակցության խորացումը Միացյալ Նահանգների հետ:

Ամփոփելով վերոգրյալը՝ կարող ենք եզրակացնել, որ վրաց-ամերիկյան դիվանագիտական հարաբերությունները «Վարդերի հեղափոխությունից» հետո թևակոխել են որակական նոր փուլ և այն շարունակաբար զարգացնելով՝ ձգտում են հասցնել ամենաբարձր կետին:

Նախագահ Սաակաշվիլիի ղեկավարման առաջին շրջանում (2004 թ. հունվարի 25-ից 2007 թ. նոյեմբերի 25-ը) Վրաստանը սկսեց ավելի մեծ նշանակություն ունենալ Բուշի վարչակազմի համար, քան հավանաբար պետք է ունենար: Միացյալ Նահանգներում Վրաստանը սկսեց ընկալվել որպես ժողովրդավարացման ճանապարհին գտնվող երկիր, որի իշխանությունների արտաքին քաղաքականության հենասյունը արևմտամետ էր, իսկ առաջնահերթությունը՝ ՆԱՏՕ և ԵՄ անդամակցումը: Այս ամենի նպատակը Ամերիկայից ավելի շատ աջակցություն ու ֆինանսավորում ստանալն էր և ՌԴ-ից տնտեսական կախվածության թուլացումը: ԱՄՆ-ն աշխարհին ներկայացրեց Վրաստանը որպես

¹ St' u S.Res.391 - A resolution calling on the President of the United States to engage in an open discussion with the leaders of the Republic of Georgia to express support for the planned presidential elections and the expectation that such elections will be held in a manner consistent with democratic principles, 110th Congress (2007-2008), *Congress.gov*, December 13, 2007, <https://www.congress.gov/bill/110th-congress/senate-resolution/391>, դիտումը՝ 02.07.2021:

² St' u Cory Welt, Georgia: Background and U.S. Policy, Congressional Research Service R45307, April 14, 2021, էջ 18, <https://fas.org/sgp/crs/row/R45307.pdf>, դիտումը՝ 10.07.2021:

³ St' u Владимир Новиков, "Михаил Саакашвили договорился до Владимира Путина и договорился о встрече", Газета "Коммерсантъ Украина", №92, Тбилиси, 05.06.2006, էջ 6:

արևմտյան երկրների կողմից ժողովրդավարության խթանման ջանքերի արդյունք և ապացույց, հետևաբար ժողովրդավարությունը դեռ կարող էր տարածվել գլոբուսի մինչ այժմ չպատկերացված մասեր: Վարդերի հեղափոխությունը ներկայացվեց այնպես, որ մի քանի շաբաթվա ընթացքում Վրաստանը դարձրել է ժողովրդավարական, այլ ոչ թե Վրաստանի ներքաղաքական բարդ իրադարձությունների զարգացման լուրջ արդյունք, ինչն ավելի ակնհայտ դարձրեց Հարավային Կովկասում հաստատվելու ԱՄՆ ձգտումները:

Վերոնշյալ գաղափարը հաստատվում է նաև պաշտոնական հռետորաբանության ու հրապարակված իրավանորմատիվ տեքստերի վերլուծության արդյունքում: Մասնավորապես Մ. Սաակաշվիլիի նախագահության առաջին տարուց սկսած՝ Արտաքին քաղաքականության ռազմավարության ու Ազգային անվտանգության հայեցակարգի, ինչպես նաև Վրաստանի առաջին դեմքերի (Նախագահ, վարչապետ, արտաքին գործերի նախարար)՝ Միացյալ Նահանգների ներկայացուցիչների հետ պաշտոնական հանդիպումների տեքստերում արտացոլված են Վրաստանում ժողովրդավարության հիմքերի ամրապնդման անհրաժեշտության և կարևորության մասին: Վրացական հայեցակարգային ու իրավանորմատիվ փաստաթղթերում մշտապես ընդգծված էր երկրի պատկանելիությունը արևմտյան արժեհամակարգին որպես ընդհանուր քաղաքակրթություն¹: Իսկ Միացյալ Նահանգների հետ հարաբերություններն դիտարկված են որպես ընդհանուր արժեքների և քաղաքական շահերի հիման վրա ձևավորված հարաբերություններ:

Երկու պետությունների պաշտոնական ներկայացուցիչների հանդիպումներում վրացական քաղաքական գործիչները մշտապես ընդգծում էին Միացյալ Նահանգների աջակցության կարևորությունն ու առանձնացնում նմանատիպ աջակցման արդյունքում կառավարության արձանագրած ձեռքբերումները: Հաճախ հիշատակվում էր, որ Վրաստանը տարածաշրջանում ժողովրդավարական արժեքների ձևավորման «ցայտուն օրինակ է»:

Այսպիսով՝ Վարդերի հեղափոխությունից հետո վրաց-ամերիկյան դիվանագիտական հարաբերությունների ընդլայնման կորիզը դարձավ Վրաստանում ժողովրդավարական ինստիտուտների ու արժեքների ներդրման գործընթացը, ինչն ուղեկցվում էր Միացյալ Նահանգների կողմից բազմակողմ աջակցությամբ: Այնուամենայնիվ, պետք է արձանագրենք, որ ժողովրդավարության ներմուծումը Վրաստան բավականին բարդ գործընթաց էր, ինչը պայմանավորված էր նախկին քաղաքական ռեժիմի ժամանակաշրջանից արմատավորված արխայիկ քաղաքական վարքագծի ու արժեքների պահպանմամբ: Այսպիսի պայմաններում Միացյալ Նահանգները շարունակեց իր լուրջ քաղաքական ներկայությունն ապահովել Վրաստանում, քանի որ Սաակաշվիլի կառավարությունը՝ որպես վերջին տասնամյակներում առավել մեծ լեգիտիմություն ունեցող իշխանություն, դեռևս ուներ հասարակական լայն շերտերի աջակցությունն ու դրական վերաբերմունքը:

Эдгар Чахоян, ДИПЛОМАТИЧЕСКИЕ ОТНОШЕНИЯ ГРУЗИИ И США ПРИ ПЕРВОМ ПРЕЗИДЕНТСКОМ СРОКЕ МИХАИЛА СААКАШВИЛИ (2004-2007 гг.). Статья посвящена исследованию дипломатических отношений между Грузией и США в первый период президентства Михаила Саакашвили в Грузии в 2004-2007 гг. Подробно освещена история формирования, укрепления и углубления дипломатических отношений между странами, развития во внутренней и внешней политике, а также дипломатические успехи, достигнутые в результате частых встреч высокопоставленных официальных лиц двух стран. Выявлены и изучены внешнеполитические подходы администрации президента США Джорджа Буша к Грузии, в частности, от «революции роз» до конца 2007 года, а также проблемы, которые возникли для Армении в результате изменений, имевших место в Грузии. Были всесторонне рассмотрены особенности визита президента Буша в Тбилиси (май 2005 г.), ожидаемые изменения в регионе и тенденции Грузии стать «экспортером» демократии. Проанализированы роль и значение двусторонних документов, подписанных сторонами. Были рассмотрены различные факты, способствовавшие развитию двусторонних и многосторонних дипломатических отношений между Грузией и США. Особое

¹ St'u Ministry of Foreign Affairs of Georgia, Foreign Policy Strategy 2006-2009, [mfa.gov.ge, https://www.gfsis.org/media/download/GSAC/resources/115_1973_997704_Strategy_MFA2006-2009En.pdf](https://www.gfsis.org/media/download/GSAC/resources/115_1973_997704_Strategy_MFA2006-2009En.pdf), դիտումը՝ 28.07.2021:

внимание было уделено выявлению реальных причин ухудшения дипломатических отношений между Грузией и Российской Федерацией. Особое место в статье отведено изучению целей финансовой и активной поддержки США для проведения справедливых и прозрачных внеочередных выборов в Грузии.

Ключевые слова: Грузия, США, демократия, внеочередные президентские выборы, НАТО, Запад, Россия, дипломатические отношения, Южный Кавказ, региональная безопасность, госсекретарь, внеочередные выборы, Исследовательский центр «Лугара».

Edgar Chakhoyan, DIPLOMATIC RELATIONS BETWEEN GEORGIA AND THE USA DURING THE FIRST PERIOD OF THE PRESIDENCY OF MIKHAIL SAKASHVILI (2004-2007). The article is devoted to the study of diplomatic relations between Georgia and the United States during the first period of the presidency of Mikhail Saakashvili in Georgia in 2004-2007. The history of the formation, strengthening and deepening of diplomatic relations between the countries, developments in domestic and foreign policy, as well as diplomatic successes achieved as a result of frequent meetings of high-ranking officials of the two countries have been highlighted in details. The foreign policy approaches of the US President George W. Bush's administration to Georgia, in particular, from the Rose Revolution to the end of 2007, as well as the problems that arose for Armenia as a result of the changes that took place in Georgia, have been identified and studied. The specifics of President Bush's visit to Tbilisi (May 2005), expected changes in the region and Georgia's tendencies to become an "exporter" of democracy have been comprehensively considered. The role and significance of bilateral documents signed by the parties have been analyzed. Various facts have been considered that have contributed to the development of bilateral and multilateral diplomatic relations between Georgia and the United States. Particular attention has been paid to identifying the real reasons for the deterioration of diplomatic relations between Georgia and the Russian Federation. A special attention has been paid in the article to the study of the goals of the US financial and active support for holding fair and transparent snap elections in Georgia.

Key words: Georgia, USA, democracy, snap presidential elections, NATO, West, Russia, diplomatic relations, South Caucasus, regional security, secretary of state, snap elections, Lugar Research Center.

ՊԱՏՄՈՒԹՅՈՒՆ ԵՎ ՄՇԱԿՈՒՅԹ

ՀԱՅԱԳԻՏԱԿԱՆ ՀԱՆԴԵՍ

ИСТОРИЯ И КУЛЬТУРА

АРМЕНОВЕДЧЕСКИЙ ЖУРНАЛ

HISTORY AND CULTURE

JOURNAL OF ARMENIAN STUDIES

2021, № 2

Գլխավոր խմբագիր՝ Էդիկ Մինասյան
Խմբագիր՝ Միքայել Մալխասյան
Տեխնիկական խմբագիր՝ Տիգրան Ղանալանյան
Սրբագրումը՝ Մերի Հովհաննիսյանի
Համակարգչային ձևավորումը՝ Միքայել Մալխասյանի

Հասցեն՝ 0025, Երևան, Արովյան 52
Адрес-0025, Ереван, ул. Абовяна 52
Address: 0025, Yerevan, Abovyan 52
E-mail: histcultjournal@gmail.com
tel: 060-71-06-00, 055-92-88-00

ԵՊՀ հրատարակչություն, Երևան, Ալ. Մանուկյան 1
«Մեկնարկ» ՍՊԸ տպարան, Երևան, Արովյան 41

Издательство ЕГУ, Ереван, ул. Ал. Манукян 1
Типография ООО “Мекнарк”, Ереван, ул. Абовяна 41

Տպարանակը՝ 300